

COMUN: I sac dal ciomënt vëgn indô partis fora de jená 2022 por dôt l'ann; por gauja dl coronavirus messunse indere inant ciaré da evité ch'al se formes ti porti di ofizi de comun codes de jënt che aspeta da ciafé i sac; porchël é duc dër bel invia da telefoné te comun al nr. 0474 524377 (ofize cutes – David Costabiei) por fá fora n apuntamënt canch'ai pó jí a se tó i sac.

La Direziun dles scolines Ladinia comunichëia che les iscriziuns ala scolina por l'ann 2022/2023 podará ma plü gni fates online. Le genitur che fej l'iscriziun adora porchël le SPID. Les iscriziuns pó gni fates dai 10 ai 18 de jená sön le portal internet dla Provinzia de Balsan "IOLE", y al pó gni scrit ite mitans y mituns nasciüs danter le 01.09.2016 y i 31.12.2019. Informaziuns y ajornamënc sará da ciafé sön la plata web dles scolines <http://www.provincia.bz.it/formaziun-lingac/scolina/default.asp> o tles scolines o pro la Direziun dles scolines 0471 797 117. Les iscriziuns é da fá te na scolina dl comun de residënza y pó ma gni fates te öna na scolina.

PLOANIES SAN MARTIN Y LUNGIARÜ

Invit a duc i geniturs che á na möta o n möt da batié, pers che aspeta, toc y totes de nosc decanat, ala preparaziun dl bato, che vëgn tignida en sabeda ai 15 de jená, dales 15.00 ales 17.00, tl salf di stödafüch da San Martin.

I s'inconfortun da s'abiné tröc y da sté dedô n pü' adöm a s'la cunté pro n pice renfrësche arjigné ca dala Uniun dles Ères. Prenotaziuns 328 07 17 796.

SAN MARTIN

N bel dilan a dotes y a duc chi che á daidé abelí les festes d'Advënt y da Nadé.

LUNGIARÜ

En bel dilan dles ofertes por la dlizia en recordanza dl defunt Isidoro Clara da Lois Clara San Martin y dala Uniun di lagri Lungiarü.

La domënia ai 06 de forá vëgnel festejë le "Dé dla Vita". Por chësc de él la Uniun dles Ères che arjigna n placat cun i retrac di mituns y dles mitans nasciüs/des o batiá/batiades tl 2021. I periun dër bel sù geniturs da ti fá avëi a öna dles surastantes n retrat de so möt/süa möta cina ai 20 de jená.

La Uniun dles Ères mët a jí indô le curs de yoga cun Sara Moling. Le curs gnará tigní te palestra da Lungiarü de mertesc y jöbia ti mëisc de jená, forá y merz. Al sará la poscibilité da to pert: dui iadi al'edema (20 iadi indöt), o ince m un n iade al'edema (10 iadi indöt). Por deplü infos telefonede a Sara 348 56 45 102.

En mercui, ai 12 de jená, dales 19.00 incuntada di geniturs di mituns y dles mitans che vá ala pröma comuniun.

Orars nüs dl Zënter de sconanza di consumadus tl Raiun Sozial Val Badia Dal 1° de jená 2022 gnará les consulënzes personales tignides vigni 2° y 4° mertesc dl mëis dales 9.00 ales 12.00 tla 3ª alzada dl Raiun Sozial Val Badia. Prenotaziuns al 0474 551022. Consulënzes por telefon tratan chisc orars de daurida al 0474 524517 o tres mail brunico@centroconsumatori.it



Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net
curat siur Heinrich Perathoner 339 65 74 213
redaziun anton.gasser@rolmail.net - 348 27 44 517 / 0474 523 194

www.valbadiaonline.it/comunita

09.01. - 16.01.22 nr. 7

ultimo termo por comunicaziuns: jöbia, dales 20.00

FESTA DL BATO DE GEJÚ - C

Vangele do Lúca 3,15-16,21-22

Te chël tēmp ê le popul plēgn d'aspetanza
y duc ponsâ sura tl chît sce Jan n'ê mine forsc instēs le Messia.
Mo Jan ti respognô a duc: Iô ves batiëi cun ega
mo al nen vëgn un che é plü gaiert co iô,
y iô ne sun nia dēgn de ti desciolè i cialzà.
Èl ves batiarà cun Spirit Sant y cun fuch.
Deboriada cun dôt le popul
s'â ince Gejù lascè batié.
Y tratan ch'al periâ,
s'â daurì le cil
y le Spirit Sant é gnü jö sön èl,
che ê da odèi tla forma de na colomba,
y na usc dal cil dijô:
Tö es mi Fi bunorü, en tè ài ciafè plajëi.



Da olá savô pa Jan Batista chësc de Gejù? Co podôl pa odèi ci importanza che Gejù ess spo albü tla vita. Â Jan de bugn edli? Dessigü. De bugn edli sciöche ince nos podun i avëi y svilupé. Tl desert â Jan aguzé y sensibilisé sù sēsc. Insciö èl bun da odèi la jënt atramēter, da la odèi sciöche Chël Bel Dî la vëiga. Danter chi che gnô a se lascé batié â Jan odü fora Gejù sciöche porsona bunorüda da Chël Bel Dî, a chëra che ldi ti â desmostré dôt so plajëi.

*Sc'i fossun pô bugn da se destaché dal'aparēnza y dai preiudizi ch'i un defrunt a tröc! Dailó podessun ince nos imparé da odèi plü sot - sciöche Jan - te chë porsona, ch'i incuntun por le momēt y ch'i un dan da nos, sües facoltés ascognüdes, da odèi sot les maces le bel, le bun, le valor, le divin. Y sc'i fossun ince bugn da ti al fá sintí, a na moda ch'ara podess ince ëra instëssa le crëie, l'odèi y le svilupé!
Sciöche le monn se mudass, sce chësc nes garatass! image*

EDEMA	SAN MARTIN	LUNGIARÜ	Dal vangele do San Lûca Les domënies ia por l'ann C, meton man cun la domënia dl bato de Gejú, aldiunse tesć fora dl vangele gnü scrit dal vangelist Lûca danter i agn 60 y 80 do Gejú Crist  Le vangelist Lûca scrí na "storia nõia" - insciö nominëiel so vangele - por i cristians tl imper roman, mo al l'adressëia a na porsona concreta, al "Stimé Theofilus", chësc pó ester chichessî o vignun/öna che é interesse/ada a Chël Bel Dî. Lûca ti assicurëia ch'al pó se conforté a chësta noela che ël instësc á ciafé, che é vëi y ch'al ó dé inant. Ci che Lûca á scrit adöm é passé por i secui y é rové cina a nos. Sües parores y ince döta la Sacra Scritöra che vëgn lita jö de papiers y pergamenes, fora de libri y dal computer, á incorajé y consolé tröpa jënt y ti á dé orientamënt. <i>image</i>
09.01.22 BATO DE GEJÚ - C	9.00 Corona 9.30 Gran Messa por la comunité ++ toc y totes da bato y da confermé + siur Franz Sottara a d'intenziun	7.50 Corona por Isidoro Clara 8.15 Gran Mëssa por la comunité	
10.01.22 Lönesc <i>Gregöre, Wilhelm</i>			
11.01.22 Dedolönesc <i>Paolin, Tomesc, Jan</i>	19.00 Mëssa ++ Sergio y Giuseppina Gasparini ++ Cristina y Vijo Prousch		
12.01.22 Dedemesaledema <i>Tatiana, Tania, Ilda</i>		7.30 Mëssa ++ Vito y Vittoria Clara, Somví por les Püres Animes 19.00 Incuntada di geniturs <i>di mitu/ans dla Pröma Comuniun</i>	
13.01.22 Jöbia <i>Ilare, Remige, Iuta</i>	7.30 Mëssa rengraziamënt por l'aiüt te na desgrazia ++ Rosalia y Lorenz Untergassmair Corona por vocaziuns		
14.01.22 Vëndres <i>Felize da Nola, Rainer</i>	18.30 Adoraziun chîta 19.00 Adoraziun deboriada	7.30 Messa ++ Angelo y Maria Sorà + ' + Ivo Sorà y Frida Dapoz	
15.01.22 Sabeda <i>Romede, Arnold Janssen</i>	19.30 Mëssa prefestia + Maickol Bassutti (dl ann) + Magdalena Siller + Alfred Zingerle (dl ann)	18.00 Mëssa prefestia 3ª de sopoltöra de + Isidoro Clara por familia Planatscher ++ Franz Pezzei y Zilia Daporta	
16.01.22 2ª DOMËNIA - Ann C	9.00 Corona 9.30 Gran Messa por la comunité de rengraziamënt a Sant Antone + siur Vito Rubatscher + Tone Unterweger	7.50 Corona 8.15 Gran Mëssa por la comunité	